

Na osnovu člana 87. Zakona o javnim nabavkama Bosne i Hercegovine ("Službeni glasnik BiH", br. 39/14), nakon provedenog postupka direktnog sporazuma, zaključuje se

UGOVOR
o nabavci i isporuci sanitetskog materijala

između:

1. **JU KS Zavod za zdravstvenu zaštitu studenata Univerziteta u Sarajevu**, Ulica Patriotske lige broj 36, koju zastupa v.d. direktor dr Lejla Hrenovica-Bečarević, specijalista urgentne medicine (**u daljem tekstu: Naručilac**)
- i
2. **ENA d.o.o. iz Sarajevo**, Ulica Safvet Bega Bašagića broj 40, koju zastupa direktor Šabanadžović dr Esad, specijalista anesteziolog (**u daljem tekstu: Izvršilac**)

Član 1.

Predmet ovog Ugovora je nabavka i isporuka sanitetskog materijala za potrebe Zavoda, a koje će Izvršilac isporučivati Naručiocu prema odredbama ovog Ugovora na osnovu ponude broj: 202112000207/2021 od 18.03.2021. godine i ponuđenom cijenom od 893,17 KM. Naručilac zadržava pravo da odstupa od količina navedenih u ponudama, ali do maksimalne vrijednosti ugovora od 5.000,00 KM bez PDV-a.

Član 2.

Sastavni dio Ugovora čini ponuda ponuđača Ena d.o.o. broj: 202112000207/2021 od 18.03.2021. godine.

Član 3.

- (1) Izvršilac se obavezuje da će isporuku materijala izvršiti sukcesivno prema narudžbenicama Naručioca, u roku od najkasnije 2 (dva) radna dana od momenta narudžbe od strane Naručioca.
- (2) Za mjesto isporuke materijala ugovara se adresa Naručioca Patriotske lige broj 36, Sarajevo.

Član 4.

- (1) Izvršilac se obavezuje da robu fakturiše u ugovorenim rokovima, na osnovu otpremnih dokumenata potvrđenih od strane Naručioca da je preuzeo robu te izdao i predao fakture i to na dan preuzimanja robe.
- (2) Izvršilac se obavezuje na nepromjenljivost ponuđenih cijena za ugovorene usluge tokom cijelog ugovornog perioda.
- (3) Plaćanje će se vršiti prema ispostavljenim fakturama u roku od 30 dana od dana isporuke materijala.

Član 5.

- (1) Izvršilac se obavezuje da će isporuku predmetne robe izvršiti u skladu sa zahtjevom Naručioca i da će odmah postupiti po eventualnim primjedbama Naručioca, u pogledu nedostataka na ime kvaliteta izvršene nabavke.
- (2) Naručilac je dužan da dostavi pisano obavještenje o svakom navodnom propustu Izvršioca po ovom Ugovoru.
- (3) Naručilac će utvrditi razuman rok za ispravku propusta Izvršioca u smislu izvršene isporuke.

(4) U slučaju eventualnih primjedbi Naručioca na kvalitet i količinu isporučene robe, Naručilac može Ugovor djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu istog.

Član 6.

Odredbe ovog Ugovora ne mogu se mijenjati nakon njegovog zaključenja.

Član 7.

Predmetni Ugovor stupa na snagu od dana potpisivanja obje ugovorne strane i zaključuje se na određeno vrijeme, a najduže do 31.12.2021. godine.

Član 8

Eventualne sporove nastale pri realizaciji ovog Ugovora, ugovorne strane će rješavati mirnim putem, u protivnom, ugovara se nadležnost Suda Bosne i Hercegovine u Sarajevu.

Član 9.

Na ostala prava i obaveze ugovornih strana, koje nisu regulisane ovim Ugovorom, primjenjivati će se odredbe Zakona o obligacionim odnosima.

Član 10.

Svaka od ugovornih strana može otkazati ovaj Ugovor, pisanim putem, uz otkazni rok od 15 (petnaest) dana.


Član 11.

Ovaj Ugovor je sačinjen u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka za vlastite potrebe.

Za Naručioca:

v.d. direktor dr. Lejla Hrenovica-Bečarević
Specijalista urgentne medicine

Broj: 03-02-538-1/2021
Datum, 19.03.2021.g.



Za Izvršioca:

Šabanadžović dr. Esad
Specijalista anesteziolog



Broj: 079/21
Datum: